



SEVEM TUDEI,  
ENJOYEM TUMORO



VANUATU NATIONAL  
PROVIDENT FUND

KONTAKTEM MIFALA

HED OFIS

Cnr Pierre Lamy & Andre Ballande Street  
P.O. Box 420, Port Vila, Vanuatu  
Tel: +(678) 23808 Fax: +(678) 24673

Email: [Enquiry@vnpf.com.vu](mailto:Enquiry@vnpf.com.vu)



Vanuatu National Provident Fund

Visitim [www.vnpf.com.vu](http://www.vnpf.com.vu)

VOLONTRI  
KONTRIBIUSEN

Infomesen Blong Memba



VANUATU NATIONAL  
PROVIDENT FUND

## From wanem yumi sev?

Simpol ansa emi from se bae yu gat faenensol sekiuriti taem yu ritae o taem yu nomo save sapotem yu.

Providen Fan i eksist long pablik mo praevet sekta long evri ples long wol. Oli disaenem olgeta blong enkaejem yu blong sev from yu wan mo ol memba blong family blong yu.

Emi impoten blong sev from se Vanuatu i nogat wan gavman sosel welfea sistem we i tekem kea long pipol taem oli nomo save wok.

## Emi kompalsori blong sev?

Seksen 28 blong Vanuatu Nasonal Providen Fan Akt [CAP.189] i stetem:

*(1) Eni pesen we i no risponsibol blong pem kontribiuser and long Akt olsem wan Employi mo we emi no and 14 o moa long 55 yia bae i save aplae long Bod blong kam wan **volontri kontribiuta** long Fan mo sapos oli akseptem bae i pem kontribiuser ia olsem we emi mas pem, subjekt long eni limit blong amaoen we oli spesifaem, long wei mo kondisen blong spesifikesen.*

Emia i minim se sapos yu employem yu nomo, o yu boss blong yu wan, bae yu save chus blong kam wan volontri kontribiuta long VNPF, sapos ej blong yu emi bitwin 14 mo 55 yia mo yu mitim ol narafala rikwaemen blong Bod blong VNPF.

Kompalsori seving emi rikwae o ol Employia we oli employem ol woka oli no shud konfius wetem volontri kontribiuta. Ol volontri kontribiuta oli klasifaem olgeta and long VNPF Infomol Sekta, be ol Employia we oli employem ol woka oli kategoraesem olgeta and long Fomol Sekta.

Volontri Kontribiuta oli save kontribiut eni taem we oli wantem.

## Hao nao mi mekem volontri kontribiuser?

Oli ditel we oli provaedem doan ia emi shoem ol step we i rikwaerem yu blong joen fastaem long Fan olsem wan Volontri Memba, mo wei blong yu pem kontribiuser blong yu.

1. Sapos yu employem yu wan olsem yu salem kakai long maket, o yu wan fishaman, bus o taksi draeva/ona, fama, sisenol woka o yu mekem living blong yu long sel blong ol gud mo/ o sevis, bae yu shud konsiderem blong sev olsem wan volontri kontribiuta wetem VNPF.

2. Yu nid blong komplitim fastaem Fom M blong VNPF blong rejista olsem wan memba blong Fan. Fom ia i avelebol long Memba Sevis kaonta mo yu save aksesem onlaen tru long websaet blong Fan.

3. Afta yu mas sabmitim fom tugeta wetem wan kopi blong bet setifiket blong yu long Infomol Sekta Seksen (ISS) blong Fan.
4. ISS bae i rijisterem ol ditel blong yu mo bae oli provaedem yu wetem wan Membasip Aedentifikesen Namba blong VNPF.

5. Taem yu risivim Membaship ID namba blong yu, yu nid blong kam visitim ofis blong mifala i printim ID Kad, afta bae yu save stat blong sevem mani wetem wan minimam blong 1000 VT.
6. Yu nid blong tekem ID kad mo kontribiuser blong yu i go long ISS we bae oli rikodem kontribiuser mo isiuim yu wetem wan risit.
7. Sapos yu wantem blong jekem balens blong yu, bae yu kam luk mifala, imelem, or telefon long ISS blong oli printim stetmen blong yu.
8. Long fiuja, Fan i plan blong implimentem onlaen sevis blong provaedem wan efisen sevis long ol Memba.
9. Ol Memba we oli stap long ol narafala aelan mo ol ples we i nogat VNPF ofis oli save pem daerekt kontribiuser i go long VNPF bank akaon.

10. Plis notem se VNPF Bank akaon i stap long ANZ Bank Limited mo National Bank blong Vanuatu nomo. Oli akaon ditel oli stap doan ia:

**AKAON NEM** –VNPF – Kontribiuser (Vila) Akaon

**BANK AKAON NAMBA** – 754479

**BANK** – ANZ

**AKAON NAME** – Vanuatu Nasonal Providen Fan

**BANK AKAON NAMBA** – 0000527001

**BANK** - NBV

11. Taem yu dipositim kontribiuser blong yu, bank bae i isiuim wan risit mo semtaem infomem VNPF.
12. Emi wan rikwaemen blong VNPF i sendem wan annuel stetmen long ol Memba abaot seving blong olgeta, be emi no stopem yu blong kontaktem ISS blong jekem balens blong yu long eni taem we yu wantem.

## Wanem emi ol benefit blong Volontri Kontribiuser?

Bae yu save witdroem kontribiuser blong yu taem yu rijim 55 yia.

Membaship blong yu long VNPF emi givim entaetelmen blong yu risivim annuel intres long seving mo yu save gat akses long Spesol Ded Benefit skim. Moa ditel abaot skim ia oli provaedem long wan seperet broja.

VNPF i eksplorem tu ol narafala benefit we bae i allowem witrowol bifo long ritaemen blong sastenem laef blong yu. Mifala i hope blong sherem wetem yu afta we mifala i establishim prodakt mo sistem blong sapotem prodakt ia.

***Sapos yu gat eni feta kwesten abaot volontri kontribiuser, plis yu no fraet blong kontaktem tim blong ISS. Kontakt ditel blong mifala emi stap long baksaed blong broja ia.***